



50280.59
539



銅梁縣鄉土志



第一冊

歷史

鄉土志例目

奏定學堂章程所列初等小學堂學科於歷史則諄鄉土之大端故事及本地古先名人之事實於地理則諄鄉土之道里建置及本地先賢之祠廟遺蹟等類於格致則諄鄉土之植物動物礦物凡關於日用所必需者使知其作用及名稱蓋以幼穉之知識遠求高深之理想勢必鑿枘難入惟鄉土之事為耳所習聞目所常見雖街談巷論一山一水一木一石平時供兒童之嬉戲者一經指點皆成學問其引人入勝之法無逾此者然必由府廳州縣各撰鄉土志然後可以授課海內甚廣守令至多言人人殊慮或龐雜用是撰例目以為程式守令雖事繁但能徵本地讀書能文者二三人按目考查依例編撰不過數月即可成書事必求其詳核文必期於簡雅俟採輯成編一面將清本郵寄京師編書局審一面錄副詳報本省大吏以免轉折遲延經局員審定刪潤俾歸一律訂成定本並各種教科書發交各府廳州縣以為小學課本庶可成完全之學科迪童蒙之知識他日進學成才皆基於此賢守令幸勿忽視

鄉土凡分為四曰府自治之地所轄之州曰直隸州自治之地縣不與焉曰州曰縣今於四者均名曰本境

歷史

本境何代何年置所謂本境者即現之在之府州縣名也

未置本境以前

唐虞夏商周屬何州

春秋戰國屬何國

秦漢以降何代屬何郡縣 何代改何州名

既置本境以後

何代屬何州郡縣

政績錄 官本境者有惠政均紀之以年月先後為次約分三

大端通古今而言後仿此

興利

去害

聽訟

兵事錄

有全在本境者 或本境有何叛黨或他境有何叛黨來犯
本境均叙其事之本末

有涉及本境者 如一大兵事或在本境為戰地或以本境
為險要或在本境屯駐則節錄在本境一段事

耆舊錄 以本境之鄉賢為後學之感勸約分為二

事業 以實行為憑孝善於父母友善於兄弟睦親於九族姻親於外親任信於友道

卹卹振憂貧是也

學問 以著述為憑經史子集小學輿地算學校勘醫學理

化是也

凡歷代名儒名臣功臣名將循吏忠節為本境人者均應
收入惟已見正史及 國史有傳者不必詳錄全傳但著
錄姓名註明見何史何傳其事蹟果能感動人心者亦須
節錄一二不見正史及 國史者應稍詳

附
名宦祠

人類 本境於旗漢戶口外有他種人者務考其源流叙其本
末世系現在戶口若干聚居何村何山其風俗大略均應編

入其種約分

回番畜裸苗猺獐狎豺狼皿狹

打牲 貂 土司

如土司不屬府州縣者則由布政司查明編輯

戶口 本境戶口丁數務查明現在實數編入如有兵荒疾疫及因農商各事情形變遷致與生齒盛衰聚散有相關之故者詳悉載入並查近年來本境

旗戶 男口若干
女口若干

漢戶 男口若干
女口若干

氏族 本境有何大姓

某姓如何受氏 何時自何處遷居本境至今傳幾代

宗教 本境所有外教務查明編入

回教人若干 回教與回種有分別回種係真阿刺伯人可

編入人類回教有阿刺伯人有旗漢人入教者均編入此

喇嘛黃教紅教若干

天主教人若干

耶穌教人若干

實業 凡齊民不入他教者務查明實業分而為四

士若干

農若干

工若干

商若干

地理

本境在省城之何方向若干里

凡言方向分四正四隅
言里數以人行道計

在府

城之何方向若干里

凡府與直隸州
自治地無此條

本境四界係何境

如本境之界不止四境者則以四隅向

明之

本境分為若干區 或名為鄉或名為村或名為團或名為

里各就其舊稱記之

何區在城之何方向若干里

區之四界係何區

同本境

城內區內有何古蹟祠廟坊表橋梁市鎮學堂

山 某山在本境治所之何方向若干里何區內或盤互數區
之山之何方距何水若干里指最近處如近山有數水均詳
之山內有何水源其水向何方流

水 叙水道之源委約分為四

有源委全在本境者 某水源出本境治所之何方向若干
里何區何山其水向何方流經歷何區何市鎮至何處與
何小水會其小水發源何區何山向何方流經歷何處來
會又向何方流至何處入何水約行若干里

有源委均不在本境者 某水發源何境何山何方流至何

處入本境 入本境處在本境治所之何方若干里 向何方流至何處有何水

自何方來注又向何方流過何城何區何市鎮何大山之

麓 須明山之何方向 至何處出本境 出本境處在本境治所之何方若干里

入何境內行境內若干里

有源在本境而委在他境者 叙法畧同源委在本境者但

後不言入何水而言至何處出界入某境行境內若干里

有源在他境而委在本境者 叙法畧同源委均不在本境

者但後不言出本境而言入何水行境內若干里耳

又有人力溝通之水道務載明何方自何處上承何水向何方行過何地至何處注何水 凡水之可通舟楫者務註明自委上溯至何區何地可行大船自何區何地至何地可行小船 可以所載之石計大小 或可行筏

凡瀕海之境則須明海岸之灣曲港汊及所轄之島嶼並註明海岸島岸之灣港何處可泊輪船何處可泊民船瀕長江大湖之境亦須記江湖之港何處可停泊

凡山間之水道可行船者務註明何處為急流何處為平流水有春夏漲而秋冬枯者須分別註明

道路

自本境治地起出城之何方行若干里為何地 每十里必計一地名 又

行若干里逾何山嶺渡何水至何地與何支路會其支路何

方自何地來經何地過何山水行若干里來會本路又向何

方行若干里 逾山渡水過何地同前 至何地或左或右分一支路其支

路向何方行 計里逾山渡水過地同前 至何地或會何路或出界或止本

境路又向何方行若干里同前至何地出何界與何境何路接
物產 分天然產製造產二端天然產動物植物礦物是也用
三者之本質製成器物則製造產也今以天然產列上製造
產列下

動物

動物製造

植物

植物製造

礦物

礦物製造

凡製造之品雖多其本質不外動植礦三類如虎豹牛羊皆
天然動物產也其骨革齒毛所製之物皆動物製造也絲出
於蠶蠶為物物產絲為動物製造布出於棉棉為植物產布
為植物製造他如金銅銀鐵錫玉石所製之器皆然茲舉
一二以概其餘或有合數質為一器者則取其多數而歸類
焉惟天然產製造產均分應大宗常產特產而註記之又有
本境之天然而在他境製造者或他境之天然而在本境製
造者尤應分別詳載


本境所產之物 所製之品

何項在本境銷行每歲若干

何項運出本境註明水運陸運在何地銷行每歲若干

自他境何地運入本境之何貨物註明水運陸運在何地每歲銷

行若干



銅梁縣鄉土志

歷史

建置年代

銅梁縣唐長安四年置 國朝雍正六年始以隋置安居鄉縣隸

入乾隆四十一年省安居為鄉併入銅梁縣

一統志唐天后長安四年始置銅梁縣唐地理志同方輿紀要謂為三年置餘詳后

未置以前

唐屬梁州

通典堯時洪水分決使禹治之還為九州仍顓頊舊制荆梁雍豫徐揚青兗冀

虞屬梁州

通典舜分十二州仍堯九州分冀為并幽分青為營合荆雍梁豫徐揚兗為十二州

夏屬梁州

通典夏九州去舜幽并營三州仍唐制夏殷之間梁州為蠻夷地所謂巴賓彭濮之人也

商屬雍州

爾雅九州豫幽徐揚荆兗營雍冀孫炎辨為殷制通典商制九州營即青州雍即梁州當是併青合營併梁合雍班固地理志謂殷因於夏存疑

周屬雍州

周禮職方九州雍揚荆豫青兗幽冀并無徐梁
華陽國志武王克商併徐合青省梁合雍

春秋屬巴子國

山海經內西南有巴國太皞生成烏咸烏生乘釐乘釐生后
昭後昭為巴始祖華陽國志武王克殷以宗姬封於巴爵之
子為巴子國其地東至魚復腹西至樊道南極黔涪北極漢
中時都江州或治墊江按合州即墊江故地巴之別都也元
和志巴子城在合州石鏡縣南五里今州治
之南地名水南俗謂之故城

鄉時屬蜀國

華陽國志蜀國肇於人皇與巴同國至黃帝子昌意聚蜀山
氏女生高陽氏是為帝嚳封其支庶於蜀歷唐虞三代世為
侯伯禹會諸侯於會稽巴蜀往焉後與巴佐武王伐紂後舞
前歌有周之世限以秦巴希與會盟及周失紀綱蜀先稱王
歷蠶叢柏灌魚島至杜宇稱帝尋禪開明號叢
帝徙治成都其地東接巴南接越北與秦分西奄岷嶓

戰國屬楚旋與蜀為秦併

九域志楚襄王滅巴封庶子於濮江之南號銅梁侯華陽國
志蜀王封弟苴侯於漢中苴與巴好後巴蜀為仇蜀王怒伐
苴侯苴侯奔巴巴為求救於秦秦代
蜀滅之遂並滅巴置巴蜀及漢中郡

秦分屬巴郡蜀郡

通典秦併天下罷侯置守列郡四十 巴郡領通川南平咸
安南浦雲安潯山涪陵清化巴川南充瀘川始寧符陽南賓
閬中盛山 蜀郡領巴西普安梓潼遂寧益昌蜀郡德陽濛
陽唐安臨邛廬山 按巴郡蜀郡所領郡縣無考姑錄於此

兩漢屬益州巴郡墊江縣

通志漢初分巴蜀為廣漢郡其後改梁曰益仍置巴郡領縣十一江州枳臨江閬中安漢宕渠魚腹充國墊江朐忍涪陵一統志銅梁本漢墊江縣地通考獻帝興平元年劉璋以墊江以上為巴郡建安六年改巴為巴西郡永陵為巴郡固陵為巴東一說墊當作製複衣也江水重疊故名墊江

鄉屬犍為郡資中縣

通考犍為郡領縣十二祚道武陽資中朱提江陽堂瑯漢陽南安牛鞞南廣符郁郫

晉屬巴都郡墊江縣

通考巴都郡領南縣四墊江江州臨江枳晉地理志亦同

鄉仍犍為郡資中縣

通考犍為郡領縣五資中南安夔道武陽牛鞞

南朝宋屬東宕渠郡

一統志宋初仍益州巴郡元嘉中置東宕渠郡

鄉仍晉舊

見宋州郡志圖

齊因之

通典齊時州郡悉因宋代方輿紀要自宋以後多因前代舊名

梁屬楚州尋並鄉沒於西魏

一統志梁太清四年武陵王蕭紀於郡置楚州通鑑梁敬帝時益州陷魏前梁州刺史譙淹屯於東遂寧為宇文貴所攻徙屯墊江為賀若放所攻蜀漢兩川並沒於西魏

陳並屬於西魏

通攷序陳西不得蜀漢並見陳疆域圖

西魏屬墊江郡合州石鏡縣

通攷西魏以墊江為郡更名合州以涪漢二水合流名改縣為石鏡以涪水北負石似鏡一統志合州古巴國別都銅梁在西魏為石鏡地按合州得名始於西魏

鄉仍梁舊

見西魏疆域圖

後周屬宕渠郡復名墊江縣

通典宕渠郡領縣六墊江涪水流江宕渠賓城咸安

鄉屬普州安居郡柔剛縣

方輿紀要安居在後周為柔剛縣因山得名並置安居郡治焉元和志柔剛山在安居縣東二十里

隋屬涪陵郡赤水縣

通典開皇初廢郡為涪州一統志大業初改州為涪陵郡領縣三石鏡赤水漢初元和志縣至州百里開皇八年置因水為名

鄉屬資陽郡始易名安居縣

通攷資陽郡領縣九安居隆康盤石安岳資陽內江威遠大
牢普慈方輿紀要開皇初郡廢縣屬普州大業初改曰安居
縣隸資陽郡又通攷安居隋縣因
溪得名 按安居溪詳地理門

唐屬山南道巴川郡合州巴川縣長安四年始易今名銅梁縣

通典唐初十道山南道巴川郡合州領縣六漢初新明巴川
石鏡赤水銅梁方輿紀要長安三年析置銅梁縣合州一統
志武后長安四年始置銅梁縣屬合州縣城周五里有奇編
戶四十一里通攷銅梁唐縣因山得名按銅梁山詳地理門

鄉屬劍南道普州安岳郡

通典安岳郡領縣六安岳普康安居樂至崇龕普慈唐地理
志安居屬普州安岳郡武德二年析資州統縣六方輿紀要
武德二年仍屬普州大業
三年改隸遂州尋復故

既置以後

五代並屬蜀

一統志五代普州昌州渝州合
州俱屬蜀並見五代疆域圖

宋屬潼川府路合州巴川郡

續通典宋乾德三年平蜀合州巴川郡領縣五石照漢初銅
梁赤水巴川熙寧四年省赤水入銅梁屬合州一統志乾德
三年改石
照為石鏡

鄉屬潼川府路普州安岳郡

續通攷普州安岳郡領縣四安居安岳普
康樂至通典乾德五年廢崇龕入安居

元隸重慶路合州

續通典元置四川南道宣尉司重慶路合州領縣三銅梁石
照定遠續通攷元初省巴川入銅梁省漢初入南充省赤水
入石照一統志元至末重慶路合州為
明玉珍所據建號夏時省石照入合州

鄉省入銅梁縣

方輿紀要元初安
居縣省入銅梁縣

明屬重慶府合州

續通典明洪武中平夏改重慶路為府
領瀘合忠三州合州領縣二銅梁定遠

鄉復置

續通典明成化十七年九月析
銅梁遂寧二縣地復置縣城

國初併入合州尋復置隸重慶府省安居縣入焉

皇朝通典康熙元年省璧山大足安居銅梁入合州六十年
復置銅梁雍正六年省安居入焉仍以縣名屬重慶府乾隆
四十一年始更
為鄉併入銅梁